

O sakapakoyoc ni Moli

Itiya ho ira koya ci Moli hananay a Padaka. Saloya han nira ko nisidayan no wama nira a dafong. Toya awa to ko maamaan nira i, malayap nira ko nipatelongan no widang a “ hako ”. Ona hako i, mafana’ay a maefer, ano ’aro sa i kafekang nira i, efer sanay. Mansa, maro’ ci Moli toya hako a maefer, tayra to cira toya loma’ no hongti a mikilim toya kaimahan nira a kay^ing o wawa no hongti. Ya malalitemoh ci Moli ato ya kaolahan nira a kay^ing i, sakanikaniwen nira koya kay^ing a mipakahemek. Oya kay^ing i, tanoola:h sa a mitengil to pilawla ni Moli, olah san to ko mira ci Molian. Halo ina ato wama noya kay^ing a mahemek ci Molian.

Ona hongti a mararamoday i, naningoyos no wawa naira a mafana’ toya mafana’ay maefer a hako ni Moli. Sowal sa cangra, “ Ano mafana’ a pakongko kiso Moli to pakahadowayay to faloco’ no tamdaw, siepoc haca kora nitawcikeran iso i, hai han niyam ko sakasifafahiyaw iso to wawa niyam. ” han nangra ci Moli. Hemek sa ci Moli, misaharaterateng cira to nga’ayay a tatawcikeren. Tawcikeren to nira koya malitengay nora kay^ing. Oya malitengay i, mahemek to nitawcikeran ni Moli, saka hayien to nangra

ko kaciraramod na Moli. Misatapang to cangra a matayal to sakakayif na Moli.

Mananamay to ci Moli to nga’ayay a ’orip, o mamiliyaw to kako to nga’ayay a ’orip saan cira, saka, haemin han nira mi’aca ko pakoci i tiyatiyaman. Paroen nira koya pakoci a maemin i mafana’ay a maefer a hako ta, maefer talakakarayan. Itiya a mitotom toya pakoci, saparekpek sa ko pakoci, tano’acefer sa to ko kakarayan. Yaan to i, maepod ci Moli, mirawod to finawlan paseneng a maokos, tawal han to nira koya hako. Yo patikol ko mira i, mala’afoay to koya hako, matodohay no ’afo no pakoci. Apa sato ci Moli a paka’araw tona kalahedaw no hako. Cowa to kanga’ay a patatikol ko mira toya loma’ noya kay^ing. Lakisaw sanay to ko kararamod nangra.

Itini tona hekal, cima ko awaay ko tatiihay a pinangan saw? Ano malecad kita ci Molian, maliteng to i, ca ho kafana’ a mifalah to tatiihay a pinangan, o lecad to ita to ’orip ni Moli a mapakoyoc. Mansa, kafana’ kita mitapal to waywayan ita, o maan ko nga’ayay, o maan ko tatiihay, saharateratengen to, kafana’ to a misiwasiw, nga makapah ko ’orip.

## Moli 貧窮的原因

從前有個叫個 Moli 外國人，他將父親留給他的財產揮霍殆盡，就在他一無所有時，他收到朋友送的一個會飛的盒子。Moli 爬到盒子上面飛上去，來到王宮找尋公主。當 Moli 和公主相遇時，他不停地開玩笑讓公主開心，公主與她的父母親也喜歡 Moli。

國王夫婦得知 Moli 有個會飛的盒子，他們對 Moli 說：「如果能講一個令人感動且很有意義的故事，我們就同意你娶公主」，Moli 開始思索故事，公主的父母聽了故事後，便同意婚事。

Moli 習慣富裕的生活，他去買光全國各店家的鞭炮，放在盒子裡飛到天空，Moli 便將鞭炮點火，鞭炮四起四處飛。Moli 四處向人炫耀，忘了盒子，當他回去時，盒子已被燒光。Moli 看見這景象整個人都傻了，也無法回到公主那兒，婚禮也被取消。

誰沒有缺點？若我們像 Moli 一樣，不改掉壞毛病，我們將和 Moli 一樣一生貧窮。我們要懂得觀察自己的行為，那些好、那些不好，想一想，懂得篩選、沈澱，生活才能美好。